



PRIMA SESSIONE STRASURDINARIA DI U 2019
1ERE SESSION EXTRAORDINAIRE DE 2019
31 DI GHJENNAGHJU È 1^U DI FERRAGHJU
31 JANVIER ET 1ER FEVRIER

2019/E1/010

Dumanda posta da a signora Danielle ANTONINI à nome di u gruppu « Femu a Corsica »

UGETTU : Mutualizzazione di u Sginnasiu di u collegiu Arthur Giovoni

O signore Presidente di u Cunsigliu Esecutivu di Corsica,
O Signora Cunsigliera esecutiva incaricata di a ghjuventù è di u Sport,

In Corsica, da parechji anni, u numeru d'associ spurtivi è di praticanti cresce sempre di più è e discipline si diversifichjanu senza arrestu. Da una banda ci ralegra, è da l'atra ci porta à riflette à a messa in opera di una nova pulitica spurtiva, in particolare per ciò chì tocca à migliurà l'adopru di l'infrastrutture.

D'altronde hè ciò chè vo avete iniziatu in issu principiu d'annu cù i vostri servizii, cun l'organizzazione *di i Scontri di u Sport*, chì anu messu in risaltu a quistione di a mutualizzazione di l'infrastrutture, chì hè parsa di primura assai per parechji associ.

Stu fenomenu hè propiu incalcatu nantu à a cità d'*Aiacciu*. Sò stata sullicitata à stu propositu da unipochi d'associ spurtivi aiaccini chì m'anu infurmatu ch'elli scuntravanu difficoltà per ciò chì tocca à a dispunibilità d'infrastrutture spurtive chì i so tempi d'occupazione ghjunghjenu à saturazione.

Affine di garantisce à l'aiaccini un accessu à l'infrastrutture spurtive, in cundizione ottime, issi associ pruponenu d'aduprà, fora di u tempu sculare, u sginnasiu di u collegiu Arthur Giovoni.

O Signora Cunsigliera esecutiva, di pettu à sti bisogni, ci tocca à uttimizà quant'ella hè pussibile, l'adopru di l'infrastrutture spurtive chì sò a pruprietà di a Cullettività in *Aiacciu*, per offre à tutt'ognunu è in particolare à i più giovani, a pussibilità di praticà un sport senza avè à copre gran distanze è à patene e cundizione pinose.

Tandu, chì dimarchje cuntate di mette in ballu affine di incuragì a mutualizzazione di l'adopru di u sginnasiu di u collegiu Arthur Giovoni ?